



Selasa, 30 November 2021
Ogen: Hakim-hakim 11:34-40



Ceda Erkiteken Padan



Sada perjanjin si arus isehken e me padan, sabap kune la isehken banci maba mara ku bas kegeluhen. Bage me pemahamen kerna padan i bas Padan Si Ndekah. Jepta e me sekalak tentara si mbisa i Gileat nari. Ia erperang ras bangsa Amon. Sope erperang ibahanna perpadanen ras Dibata nina "adi iberekenNdu kemenangen man bangku naluken bangsa Amon, ise si pemena ndarat i rumahku nari ngalo-ngalo aku sanga aku mulih i bas kemenangen nari ku tutung e jadi persembahen. Ku persembahen e man baNdu jadi korban." La ndauh lebe iukurina sope ibelaskenna padan e. Palas erpadan e me erkiteken kenca piga-piga kali ipeseh Jepta kata tenah perdamen man raja Amon tapi la diate raja Amon kerna tenah e. La ndekahsa Tuhan mereken kemenangen, meriah kel ukurna ngalokenca. Mulih ia ku rumah, ialo-alo anakna si diberu ia alu dem keriahen ukur. Natap sie getem kel pusuh Jepta ngidahsa, iingetna padanna janah si sada e kel ngenca anakna. Iturikenna kerina man anakna e, minter salih keriahen jadi ate ceda, mbiar erkiteken ngejapken wari kematenna enggo ndeher. Dua bulan nari la banci lang ia jadi korban siipersembahen guna kemenangen bapana. Mindo ia lawes nangisi dirina, mberat kel nge niakap sebab uga pa pe seh sedakna pusuh anak e. Mate i bas paksa singuda-nguda, langga erjabu. Bapa si erpadan anak si la meteh kai pe jadi korban. Perbahanena e erbahansa lesap kegeluhen anakna i doni enda. Ngelakoken sura-sura orang tua umpamana i bas perjabun, perkuliahen, persekolahen ras sidebanna tapi labo bagi sura-sura tapi la bage sura-sura anak e gelana kekersen. Kekerasen e labo terjeng arah *pemukulan*, tapi arah acaman, ranan, ras perbahanen ras sidebanna. Enda tanggungjawabta ras. Tep-tep kekerasan ncedai kegeluhen, ingetlah Dibata reh mbebaskan kita. Kita pe arus ikut mbebaskan kalak i bas kekerasan nari terlebih man anak sidiberu sirusur jadi korban.